

Irmán doben sira,

Ohin Primeira Leitura hateten mai ita: “Maromak rasik dehan: ‘Ha’u sei la husik ó mesa-mesak, Ha’u sei hanoin nafatin atu tulun ó.’ Nune’e, ho laran metin ita bele hateten: ‘Na’i mak ha’u-nia tulun, ha’u sei la ta’uk.’”

Tan Liafuan hirak ne’e (ne’ebé ha’u sente katak Maromak haraik mai ha’u nu’udar presente ida) ha’u hatán ha’u-nia sim ba Madre Jerál; ho konfiansa katak se ida ne’e mak Maromak nia planu, Nia rasik sei lori planu ida ne’e to’o rohan. Imi hotu hatene ona ha’u, ha’u-nia limitasaun no ha’u-nia kapasidade, imi barak servisu ona hamutuk ho ha’u, nune’e iha serteza katak ita hamutuk bele la’o iha dalan ne’ebé Maromak marka ona ba ita-nia Inspetoria. Hahú knaar ida ne’e iha Bisentenáriu Don Bosco nian, sai mai ha’u bolun ida atu bele kontinua enkarna karizma salezianu iha ita-nia rai Timor no Indonezia.

Ha’u agradese barak ba imi hotu ne’ebé hakerek no haruka mensajen mai ha’u, sira ne’e hotu sei fó aten-barani liután mai ha’u! Maibé, hanesan Amu-Papa repete beibeik, “Keta haluha atu reza mai ha’u”, liuliu, entrega ha’u iha Na’in Feto nia liman, nune’e, ha’u-nia bolun foun ida ne’e bele sai tulun ba irmán hotu atu hatán ho ksolok no laran-luak ba Maromak nia hakaran.

Ha’u aproveita ho oportunidade ida ne’e, atu fó parabens ba festa Beata Eusebia Palomino nian: ninia servisu iha haraik an sei sai matadalan ba ita hotu ne’ebé hakarak so’i klamar barak.

Hodi agradese ho fuan tomak ba imi-nia konfiansa no imi-nia domin,

Boa Festa Eusebia Palomino nian

Ir. Alma Castagna

